

Na osnovu člana 90. Zakona o javnim nabavama BiH („Službeni glasnik BiH“, br. 39/14, 90/14, 96/14, 97/14, 103/14 i 104/14) i člana 7. stav (1) tačka b) Pravilnika o postupku direktnog sporazuma BiH („Službeni glasnik BiH“, br. 90/14)

1. **„CENTROTRANS – EUROLINES“ D.D. SARAJEVO**, Kurta Schorka 14, 71000 Sarajevo, identifikacioni broj: 4200153220003, zastupan po generalnom direktoru Sefudin Čengiću s jedne strane (u daljnjem tekstu: Izvršilac usluga) i
2. **JU OSNOVNA ŠKOLA „HADŽIĆI“ HADŽIĆI** Hadželi bb, 71240 Hadžići, identifikacioni broj: 4202256020005 zastupana po direktorici Đenani Alispahić s druge strane (u daljnjem tekstu: Naručilac usluga),

dana 08.02.2018. godine zaključili su

U G O V O R

O NABAVCI USLUGE PREVOZA UČENIKA

Član 1.

(1) Predmet ovog Ugovora je nabavka usluge prevoza učenika Osnovne škole „Hadžići“ na osnovu prihvaćene Ponude „Centrotrans – eurolines“ d.d. Sarajevo broj: 061/2018/SP/MČ od 08.02.2018. godine koja je sastavni dio ovog Ugovora i Odluke o direktnom sporazumu broj: 199/2018 od 08.02.2018. godine.

(2) Usluga prevoza učenika iz prethodnog stava ovog člana obaviti će se na relaciji Hadžići – Bjelašnica – Hadžići ukupno 5 puta u periodu od 28.02.2018. godine do 13.03.2018. godine.

(3) Prevoz učenika obaviti će se vozilom Neoplan/MAN/Ayats čiji je kapacitet 50 sjedećih mjesta, na način da svaki učenik ima osigurano sjedište u prevoznom sredstvu.

(4) Izvršilac usluga se obavezuje da preveze i prtljage učenika istim prevoznim sredstvom.

Član 2.

(1) Vrijednost ove nabavke iznosi **1.462,50 KM** (slovima: jednahiljadačetiristotinešezdesetdvije i 50/100 konvertibilne marke) sa PDV-om, odnosno **1.250,00 KM** (slovima: jednahiljadadvijestotitepedeset konvertibilnih maraka) bez PDV-a.

(2) Izvršilac usluga se obavezuje da će uslugu prevoza učenika izvršiti kvalitetno i savjesno u periodu i količinama naznačenim u članu 1. stav (2) ovog Ugovora.

(3) Naručilac usluga je dužan isplatiti cijenu u iznosu navedenom u stavu (1) ovog člana u roku od 15 (petnaest) dana od dana prijema fakture.

Član 3.

(1) Naručilac usluga ima pravo na naknadu štete od izvršioca usluga koju je pretrpio zbog kašnjenja, izuzev ako je do toga došlo zbog uvjeta ili okolnosti koje izvršilac usluga nije mogao otkloniti ni pažnjom stručnjaka.

(2) Izvršilac usluga odgovara za sigurnost učenika od početka do završetka transporta, te je dužan nadoknaditi štetu koja nastane oštećenjem zdravlja, povredom ili smrću učenika, izuzev ako su

navedene posljedice nastale usljed radnji učenika ili uzrokom koji se nije mogao predvidjeti ni izbjeći, odnosno otkloniti.

(3) Izvršilac usluga nije odgovoran ako su posljedice iz prethodnog stava ovog člana nastupile zbog uzroka koji izvršilac usluga nije mogao predvidjeti, niti izbjeći, odnosno otkloniti ili su nastale radnjom koju je sam učenik prouzrokovao.

(4) Izvršilac usluga je dužan da prtljage koji su je učenici ili predstavnici naručioca usluga predali preveze u isto vrijeme kad i učenike i preda im ih po završetku putovanja.

(5) Naručila usluga je dužan da izvršiocu usluga sastavi prigovor u vezi izgubljenog ili oštećenog prtljaga u roku od 3 (tri) dana od završetka putovanja. Ukoliko je šteta na prtljagu nastala usljed saobraćajnog udesa, naručilac usluga je dužan da podnese prigovor najkasnije u roku 30 (trideset) dana od dana kada je putovanje završeno ili je trebalo da se završi.

(6) U slučaju pričinjenih materijalnih šteta tokom putovanja u autobusu od strane učenika, isti su, zajedno sa naručiocem usluga, obavezni da nadoknade pričinjenu štetu prema općim pravilima o odgovornosti.

(7) U slučaju učinjene štete u toku putovanja (od strane učenika ili izvršioca usluga) sačinit će se zapisnik o nastaloj šteti na licu mjesta u prisustvu predstavnika naručioca usluga i vozača.

Član 4.

Za sve odnose i institute koji nisu uređeni ovim ugovorom, a pojave se u toku njegove realizacije, primjenjivaće se odgovarajuće odredbe zakona i drugih propisa koji uređuju ova pitanja.

Član 5.

Ugovorne strane se obavezuju eventualne sporove riješiti mirnim putem, ukoliko to nije moguće ugovaraju nadležnost suda u Sarajevu.

Član 6.

Ovaj Ugovor je sačinjen u 2 (dva) istovjetna primjerka od kojih svaka strana zadržava po 1 (jedan) primjerak.

Član 7.

Ugovorne strane primaju prava i obveze iz ovog Ugovora, te ga u znak toga potpisuju.

IZVRŠILAC USLUGA

NARUČILAC USLUGA

/Sefudin Čengić /

Denana Alispahić, prof./

Broj: _____

Broj: 199-1/2018

Datum: _____

Datum: 08.02.2018. godine